

清·方略館 編

清代 方略 全書

北京圖書館出版社



清代方略全書

一五五

清·方略館編

北京圖書館出版社

欽定剿平捻匪方略卷一百四十八

壬戌年



五月二十一日

壬寅

譚廷襄奏言據署曹州府知

府林士琦等稟報捻匪焦桂淔等於五月初十日竄至馬集經團總劉錫蕃施放槍礮未容入寨焦桂淔等勢極窮蹙將馬步遣散大半留百餘人赴郡投誠等情業據稟報僧格林沁大營解往聽候覈辦惟此次焦桂淔等馬步千餘人

現祇到郡百餘人餘皆先行遣散必須確查下落且內有頭目曲元基陳魁二名一籍隸東明一籍隸考城先已逃避更未便任其潛匿爲患將來臣已飭兗沂曹濟道盧朝安督同該府縣切實根究認真查辦查曹郡會匪被勦投入南捻者不少現因窮蹙來歸若竟不准投誠則與收撫之董執信等同罪異罰不足以昭平允如

東就便安插人數甚多難保不復生反側臣再三

斟酌擬將該匪首及千百長等仍歸僧格林沁

大營查辦脅從人等由地方官責成團總稽察

並將各團寨分別搜拏庶可逐漸歸正至遮克

敦布派出各軍可否

飭令酌量分駐曹州暫資鎮撫奏入

上命議政王軍機大臣傳諭譚廷襄遮克敦布曰匪

首焦桂涓等既經解赴僧格林沁大營卽著譚廷襄等咨照該大臣與董執信等一併認真覈辦其遣散馬步千餘名及頭目曲元基等究係何往著譚廷襄飭令道員盧朝安督同該府縣切實根究毋令遺患將來前諭遮克敦布馬隊繞赴曹郡其濮范防務卽交王榕吉督辦現在遮克敦布尙駐東明其派出各軍應如何酌量分駐曹州以資鎮

撫濮范等處王榕吉一軍是否足敷堵剿著與譚廷襄會商辦理

二十二日
癸卯官文嚴樹森奏言豫省南路信陽

確山一帶捻巢林立驛路梗塞實爲楚豫邊境之患更恐其勾結竄陝之賊遙爲援應現在多隆阿全軍援陝經由豫省該捻聞知勢必震懾亟宜乘此聲威迅圖剿滅臣等已飭道員歐陽

正墉等六營由小林店前進節節掃蕩並派知府吳廷華兩營由西路進攻信陽之游河店出山店等處賊圩又派已革副將周鳳山四營取道武勝關由東路進剿以牽賊勢而以參將黃之清二營爲後應一俟總兵李續燾新募赴豫之軍到鄂亦由武勝關疾進會擣信陽之梅黃店陡溝集等處賊寨使擒逆首尾不能相顧並

由舒保酌派馬隊與各路步軍相輔而行以資
衝突臣等已飛咨河南撫臣鄭元善先期派軍
會剿一面檄催李續燾迅速前進入豫後卽歸
鄭元善調遣其歐陽正墉等各營仍歸臣等節
制以期呼應較靈

同日英桂奏言賊匪攻撲潼關時蒲郡口岸林
立最爲喫重經總兵和昌道員劉子城等督率

兵團晝夜嚴防該匪始由南山閒道竄入河南
閿鄉靈寶以至陝州五月初九等日該匪疊次
下撲意圖搶渡均經兵勇民團奮勇擊退斃匪
多名該逆以陝州攻撲不下遂東竄澠池經臣
飛飭和昌由茅津馳往對岸之東灘渡駐紮堵
禦查河南澠池縣與東灘渡僅隔一河地面遼
闊最關緊要臣復派已革副將鄧鳳林馳往協

助惟聞豫省洛陽有重兵駐守一經迎頭擊截
難保該匪不避兵回竄晉省沿河州縣仍應隨
時嚴防運城爲鹽課重地距茅津僅百餘里離
蒲州亦不遠臣卽暫駐運城居中調度嚴飭在
防文武督率兵勇加意防守均奏入
上命議政王軍機大臣傳諭官文嚴樹森鄭元善英
桂曰陝省竄匪已由河南澠池一帶回竄是陝省

大股已退餘匪諒可漸次掃蕩多隆阿一軍此次
由襄樊前進卽著探明陝省情形如可無須入關
卽於北路適中之地扼紮以防捻逆北犯兼可將
由陝竄豫之匪就近會同豫軍分路截擊歐陽正
墉等軍卽飭分投進剿信陽等處以清豫捻並著
鄭元善酌派兵勇會同楚軍痛剿其脅從各圩分
別解散以孤賊勢儻豫境南路肅清所有楚軍卽

著官文仍遵前旨撤回不得久留豫省致令楚防
空虛逆匪由陝回竄已至澠池陝省旣無一兵追
勦而豫省亦未見派兵迎擊不知該撫等所司何
事英桂派兵渡河截殺僅斃匪數十名現與東灘
渡僅隔一河仍飭和昌等加意嚴防毋稍大意鄭
元善前派楊飛熊一軍入關會勦該逆已由小路
東竄楊飛熊何以不迎頭截擊若賊匪不由洛陽

回竄必由孟津一帶竄擾開封等處著鄭元善一面飭河北鎮總兵帶兵堵截毋任東竄一面派兵由嵩洛迎勦使其被創而歸不致再萌西竄之志

事二十四日乙巳鄭元善奏言豫省寇氛環逼防勦

未遑惟有聯絡鄰兵合力夾擊但秦晉勢難兼

顧應俟關中肅清再行會商進紮如以鄂省防

著襄樊之十營接應宛郡防隨州之八營接應信

陽臣亦早籌及此是以前請
飭下湖北督撫臣抽撥勁旅取道信羅越境進剿自

奉

諭旨卽恭錄飛咨遵辦臣仍就現有兵力節節進剿

斷不敢以鄰有援師稍涉疏懈至白楊樹一股

楊飛熊督軍鏖戰擒斬甚衆惟楚軍衝躍入陣

奮不顧身以致陣亡兵勇二百餘人前奏均經

聲明巴揚阿等截賊於襄郊閒保全完善不少
各軍克復城池追勦屢勝力扼西北驅賊回巢
實有戰功可紀臣不敢不分別獎卹以勵戎行
此白楊樹等戰並非敗挫之實在情形也豫省
之剛銳昌勝襄勝各營皆慎選營官各率所部
軍情旦夕異宜聞警卽當策應酌量抽撥亦事
勢使然若必全軍盡行則顧此失彼更難分布

臣勦辦汝匪及楊飛熊統帶援陝各營均皆自成一隊尙無分裂自弱之弊此又營兵不能不相機調撥之實在情形也豫省頻年以來皖捻肆擾已成熟徑皆由東路歸陳各境與蒙亳接壤路徑紛歧從前督兵諸臣未嘗不力籌擇要嚴防之策無如此堵彼竄兵分力單若再頓兵一隅株守以待豫軍之力實有不及且卽兵勇